



**Antoninus Diana Panormitanus, Clericus Regularis, Doctor  
Celeberrimus, Coram S. D. N. Alexandro VII. Episcoporum  
Examinator, & Sancti Officij Regni Siciliæ Consultor,  
Coordinatus, Seu Omnes ...**

**Diana, Antonino**

**Lugduni, M. DC. LXXX.**

33. An tempore mortis sit præmittenda instructio Infidelibus baptizandis?  
Ex p. 5. tr. 3. res. 20.
- 

[urn:nbn:de:hbz:466:1-76393](https://nbn-resolving.de/urn:nbn:de:hbz:466:1-76393)

Romano, quod habitum fuit sub ipso Sylvestro cap. 1. & ex Damaso in *Vita Sylvestri*: ex Adriano I. in epist. ad Constantium, & iuren. que approbatur in 7. Synodo Ad. 1. ex Nicolao Papa in epist. ad Michaelem Imperatorem, paulo ante medium, ubi Sylvestrum, Constantini Magni Baptizatorem appellat. Denique ex Nicophoro lib. 7. Histor. c. 35. ubi refutat sententiam contrariaam, cāmque cōfetā aīt à Gracis Arrianis, scilicet Eusebio Cæsariensi, ut sic oblique persuaderent, Constantium Arrianum fuisse: nam Eusebius ita Nicomedensis, à quo tunc baptizatum dicunt, tunc Arrianorum erat. Et probat Nicophorus: quia multe ante Constantinus Concilio Niceno interfuerat, & cum reliquis Patribus mysteriorum nostra Religionis particeps fuerat, quā Catechumeni non possunt percipere.

8. Unde non deferam hīc ad labefactandam penitus opinionem Caetani, adducere verba Guillelmi Merceri, Professoris Lovaniensis, de Sacram. quæst. 68. art. 3. num. 4. qui responderet ad autoritatem D. Ambrosij à Caetano adductam, sic itaque asserit: [Quod additum de Constantino, bene refellitur a Baronio tom. 3. an. 324. n. 200. & seqq. ut] figuramentum Eusebij Cæsariensis (quem Arrianorum Signiferum vocat S. Hieron. in Chron.) dicentis, eum in fine vita baptizatum ab Eusebio Nicomedensi, similiter Arriano, idque scribit, ne videretur, Constantium Arrianum, ut desertorem paternæ religionis, arguere. Nam & Graecorum Ecclesia predicit eum Sanctum Imperatorem, & Apostolis proximum: Romana similiter, solita recitat ejus nomen in Martyrologio, teste Nicolao Papa, Epistola ad Michaelem Imperatorem, & Concil. Chalcedonens. Martiano Imper. religiosissime acclamat, honoris causa, ut novo Constantino. Imò ipsemus Eusebius lib. 4. Vita ejus, cap. 22. & 57. narrat, eum interfuisse sacris Mysteriis tempore Pachali, quibus Catechumenos interdixerat Synodus Neocæsarien. cap. 5. & more Episcoporum seddis in Concil. Niceno anno 325. & orationem habuisse, qua profitebatur, se esse Christianum, & baptizatum. Favendi ergo hic sunt Theod. & Sozomenus sequenti Eusebium, & eis opponendus Niceph. lib. 7. cap. 35. probans, ipsum baptizatum esse a S. Sylvestro; imo & hodie visitur Roma Baptisterium Constantini. Quod ergo S. Ambrosius oratione in obitu Theodosii, dicit, Baptismi gratiam, Constantinus in ultimis constituto, omnia peccata dimisisse; non est intelligendum de ultimo vite tempore; sed de lepra, quam curare Medici desperabant, judicantes eum esse propterea in fine vita. Nam idem S. Ambrosius dicit, eum fuisse magni meriti: ergo non putant decepsisse baptismum ab Arrianis. Rursum, quod in Chronicō S. Hieron. Dicitur, Constantium in extremo vite tempore ab Eusebio Nicomedensi baptizatum, declinasse in Arrianum dogma, est appositorum ab alio. Nam scribens contra Vigilantium spernentem Reliquias, infert pro absurdio: Ergo sacrilegus fuit Constantinus Imper. qui sanctas Reliquias Andrea, Iudea, & Timotei, transfluit Constantinopolim. Verè autem sacrilegus esset, si ab Ecclesia defecisset. Tertiū, simile de Baptismo in fine vite legitur in Concil. Ariminensi: sed corrigendum est, ut pro nomine Constantini, legatur, Constantis, qui mox à Baptismo est occisus per Magentium, teste S. Athan. lib. de Synodis, & in Apologia, vocante Constantem Martylem, contra Socr. lib. 2. cap. 29, vel legendum est, Constanti, qui in fine vita, & ab Euzolo baptizatus est, teste Ba-

ron. ann. 361. ] Hucusque Mercerus. Non debet itaque Caetanus rem hanc in dubium adducere. Unde ex his reprobandus etiam venit Nungus in 3. part. tom. 1. q. 68. art. 3. ubi docet, Constantium baptizatum fuisse circa finem vite. Dicendum est itaque contra Caetanum, D. Thomam non esse loquuntur recitativē, sed assertivē.

9. Sed pro coronide hujus questionis apponam hic pro curiosis duo dubiola. Primum, an si parentes non baptizarent infantem surdum, caecum, & mutum, sit baptizandus in adulta aetate? Respondeo cum Ochagavia de Sacram. tract. unico, de Baptismo, q. 18. num. 5. quod si de voluntate supradictorum non constat, quia à natura his sensibus carent, minimè possunt baptizari: tunc, quia, cum sint capaces consensus, & dispensus, debet corum voluntas expectari: tunc, quia possunt habere aliquem obicem respectu gratia sacramentalis, de quo, nisi per verba, aut alia signa Catechumeni, constare nobis minimè potest. Hic autem si legem naturalem servaret, interior à Deo illuminaretur ad concipiendam contritionem, quia justificaretur.

10. Secundum dubium est, an, si ex incuria parentum, infants non sint baptizati, si nolint in adulta aetate baptizari, possint ad id compelli? Respondeo, quod Sotus in 4. disp. 5. q. unica, art. 9. tales ab Ecclesia in aetate adulta ad Baptismum posse compelli, etiam sub ignis supplicio: sicuti qui in infancia baptizati fuerunt, possunt compelli ad servandam Catholicam Religionem. Veritatem Henrique lib. 2. cap. 25. q. 6. docet, usum Ecclesie hoc non habere; nec expedire, ne Ecclesia adulterum reluctantem, qui nunquam se ut Christianum gesit, duris peccatis compellat; quia, licet ratione parentum pertineat ad eandem Rempublicam civilem in spiritualibus tamen est adhuc inter eos, qui fortes sunt extra ovile Ecclesie, & sine charactere. Unde & Suarez dicit, nec esse, nec unquam fuisse præceptum Ecclesia respectu adulorum, sive non baptizatorum. Pro qua allegat Concil. Trident. quod sess. 1. 4. dicit, Ecclesiam in neminem iudicium exercere, quia non in ipsam per Baptismi januam fuerit ingressus. Dixi, qui nunquam se pro Christiano gesit: quia, qui Christianus fuit habitus, & cum aliis in Sacramentis Ecclesie participavit, compelli potest; atque adeo sapienter etiam compelli solet ab Ecclesia, ut loco citato, nota Rodriguez, ab Baptismum, etiam sub pena mortis. Et ad hujusmodi forsitan adulterum respexit Soto, quamvis generaliter loquatur. Et haec omnia docet etiam Joannes Viggiers in 3. part. D. Thome, q. 68. art. 3. num. 21.

### RESOL. XXXIII.

*An tempore mortis sit premittenda instruclio Infidelibus baptizandi?* Ex part. 5. tr. 3. Ref. 20.

§. 1. Respondeo supradictos deberem instrui, & probari per aliquot menses ante Baptismum, ut dicitur de conf. d. 4. cap. ante Baptismum, & seqq. si tamen urgeat necessitas obfitionis, vel naufragij, vel similis periculi mortis, tunc exposita fide, utcumque si petens Baptismum assentatur, est baptizandus, & ita docet Zambranus de Sacram. Baptism. c. 1. dnb. 1. 4. ubi citat Toletum, quibus ego addo Sancium in select. disp. 44. n. 41.

### RESOL.